


醫林繩墨


明

方隅著集
方穀校正



16/14

醫



繩

墨

明

方方
穀隅
校著
正集

商
務
印
書
館

羅 綱 林 翬

(羽)方隅著集 方毅校正

商務印書館 出 版

北京宣武市胡同 10 號

(北京市書刊出版業營業許可證出字第 107 號)

新 華 書 店 總 經 售

商務印書館上海廠印刷

統一書號 14017·48

1937 年 11 月初版

開本 327×109 1/32

1969 年 2 月上版第 3 次印刷

字數 82,000

印張 4 15/16

印數 6,501—11,000

定價(10) ¥0.60

出版說明

醫林繩墨，明方隅著集，方穀校正。全書八卷，約計七十證。

卷一論風、寒、暑、濕、燥、火、瘧、痢諸證。卷二論痰、喘、咳嗽、霍亂、泄瀉、嘔吐、吞酸吐酸、嘈雜噯氣諸證。卷三論氣、血、汗、驚悸、怔忡、健忘、虛損、癆瘵、眩暈諸證。卷四論頭痛、腹痛、脇痛、腰痛、疝痛、關格、欬逆諸證。卷五論脾胃、內傷、噎膈、格食格氣、傷飲、傷食、六鬱、臟脹、消渴諸證。卷六論淋瀝、小便不利、不禁、夢遺精滑、痿、痺、厥、瘡、癰、癩、癰諸證。卷七論耳、目、口、鼻、咽喉、舌、積聚、癰疽、痞塊、秘結、惡寒發熱諸證。卷八論婦人調經、崩中、帶下、胎前、產後、室女月水不通、癰疹、痛風、歷節風、痔漏、脫肛、瘡瘍、腫毒諸證。

本書內容，以醫論爲主，根據病象推論病源，隨證處方，按方施藥。醫論多本內經、脈經、傷寒、金匱的大意，並且參證了金元時代著名醫家如：劉完素（河間）、張從正（子和）、李杲（東垣）、朱震亨（丹溪）諸家的學說，間或也表示出自己的見解。在證論

上，作者依照中醫的八綱，特別着重說明表裏、寒熱、虛實對病證的發展以及調節變通的關係。在診斷上，就着望、聞、問、切的四種診法，充分發揮了隨證治療的精神，實事求是，既不拘于成說，也不泥古非今。在治療上，列有方藥，並隨證加減。凡前人論證而未及配方的，或證有主方而未及善論的，都一一爲之配合。

本書的優點在說理明晰，文字通暢，對於中醫病理學的闡明，也比較透徹。每證之後，另列「治法主意」一項，等於一個提綱，綜合地說明本證的病理和處治，便於記憶，所以很適宜於初學中醫的讀者。但書中也有個別的地方，仍舊陷於迷信封建，看來不是很科學的論證。

本書初刊於明萬歷十二年甲申（一五八四）。清康熙十六年丁巳（一六七七）江寧周京重刊，曾把本書的篇目加以調整，並以家藏奇效諸驗方，改爲九卷，卷爲九證，九卷共列八十一證，題名醫林繩墨大全，文字間也頗有出入。清嘉慶二十一年（一八一六）松江陳熙復據周刊本重刊。自此以後，未再覆印，所以本書尤其是明初刊本，流傳很少。

本書書首原題錢塘書士方穀著集，醫官方穀校正。據序所說，這是作者爲了便利講解醫學而撰著的。方穀事蹟不詳，據康熙十六年刊醫林繩墨大全周京序說：「先生（方穀）生於

前之隆慶，其著是書也，乃在萬歷之甲申，有引，自號爲七十有七老人仁和醫官方毅，想亦家世相傳而善精岐黃之學者歟！據此可知，作者方毅在明萬歷年間，也是一時的名醫。醫林繩墨是他晚年的著作，所以論證論方都比較有些創見。

我們曾從王玉振醫師處借到所藏明萬歷十二年甲申（一五八四）初刊本醫林繩墨，原書每半葉十行，行二十字。卷四「牙痛」門脫漏一頁，據中醫研究院圖書館藏周京刊本醫林繩墨大全補，兩本內容基本相同，唯文字間互有出入。底本脫誤字句，凡經我們改正的，都在原字下附註，漫漶之處，另據周刊本補正。全書加斷句，排印出版。

商務印書館一九五七年六月

醫林繩墨序

繩墨一書。迺爲後學習醫之龜鑑。非殺一人之私意。但領內經、仲景、東垣、丹溪、河間諸先生之成法者。著方立論。日與門弟子講解。意味深長。默然難知。嗟夫。吾醫之道。雖能入門。而難窺室。譬欲涉海問津。登山問路。難見其人。而津路之眩迷也。故嘗諄戒諸生。以愚生平所讀之書。意味深長之理。朝夕誦玩。或諸先生所立之論。未及配方。或所立之方。未及講論。方論不齊。難以應用。由是一一配合。必使補瀉升降之協宜。寒熱溫涼之得平。隨機應手。治無不可。今幸豚兒立志集成方論一冊。壽之於梓。與天下後世共。老朽再加愚按校正。定立主意。其中儻有差訛。識見之未到者。凡我同志。乞爲筆削云。時萬曆甲申仲秋望日錢塘方穀敍

門生邵元寸書

方勉學効

醫林繩墨目錄

卷一

中風 傷風 中寒 傷寒又論 風寒 中暑 瀉 濕熱 燥 火 瘧 痢

卷二

痰 喘 咳嗽 霍亂 泄瀉 嘔噦吐 吞酸吐酸 嘔雜噯氣

卷三

氣論 血論 汗 驚悸 怔忡 健忘 恍惚 虛損 癆瘵 眩暈

卷四

頭痛附頭風 心痛附胃脘痛 腹痛附小腹痛及腹中窄狹 脇痛 腰痛 牙痛 疝痛附本骨陰

痿強中 脚氣 關格 欬逆

卷五

脾胃 肉傷 嘔隔反胃 格食格氣 傷飲傷食 六瀉附五瀉 脂脈附中滿 蠱脹 水腫 貞

腫 血腫 疔腫 疰腫 陰腫 蠱腫 子腫 眼胞腫 兒腫 消渴附強中 白火丹

黃疸沙

卷六

淋瀝附癰閉

小便不利附白帶白濁

小便不禁附咳嗽遺尿

夢遺精滑附便濁

癰

痺附麻木不仁

九九

厥 瘧

癰狂

癰

卷七

耳 目 口

鼻附鼻衄鼻梁痛

咽喉

舌

積聚

癰瘰

瘰癧

秘結

惡寒

一一四

發熱

卷八

婦人調經論

崩中

帶下

胎前

產後

室女月水不通

癰疹

痛風

腰節風

一二三

痔漏附腸風

脫肛

瘡瘍

腫毒

醫林繩墨

錢塘醫士方隅著
醫官方穀校正

卷一

中風

內經曰邪之所輒其氣必虛風之中人其中必重蓋中者中入于內拔之而難出也況風之爲症無往不行無地不載者也所以中於上則痰涎壅盛塞閉不通中于下則小便遺溺莫之可救丹溪曰中腑者多着四肢有表症而脈浮惡風惡寒拘急不仁治宜汗之得小汗爲可復也中臟者多滯九竅唇吻不收舌不轉而失音耳聾衛眼瞤大小便閉結痰涎壅盛不能言語危甚風燭急宜下之中血脈者口眼喎斜語言不正痰涎不利手足癱瘓宜以二陳湯加竹瀝姜汁若外有六經之形症則從小續命湯加減以發其表後用通聖散辛涼之劑兼治其裏苦內便溺之阻隔肢不能舉口不能言此中經也宜大秦羌湯羌活愈風湯先補其血次養其筋如癱瘓者有虛有實經所謂土太過則令人四肢不舉此膏粱之疾非腎肝之虛治宜瀉之令土平而愈用三化湯調胃承氣湯選而用治致若脾虛之人亦有四肢不舉但所中無

痰涎，言語或不利，治宜十全大補湯，及四物湯，去邪以留正也。經云：治風先治血，血實風自滅。正此謂歟。至於子和，屢用汗吐下三法治之。丹溪又曰：治須少汗，亦宜少下。多汗則虛其衛，多下則損其榮。故經有汗下之戒，而治有中腑中臟之分。當審其虛實而用之。諸書所謂外中風邪，惟劉河間（原本作「潤」，下同）作將息失宜，水不制火，亦是。不若東垣曰：地有南北之殊，病有感受之異。且如西北地高，東南地卑，西北之所中者，多因風土太厚，所食腥膻，葱韭酒麵，助熱生風，動火生痰，而然也。宜用三化湯，承氣湯，通聖散之類。東南之所中者，亦因濕土生痰，痰生熱，熱生風也。宜以枳桔二陳湯加芩連之劑，以吾論之，此藥但可用於中風少緩之時，未可施於中風卒暴之際。至若臟腑之症見，且無續命三化等湯，寧得起死回生者焉。若丹溪體河間東垣之說，而以內傷主治。王安道以爲因內傷者，自是類中風，與風絕無相干，宜別而出之。其言謬矣。仍以昔人主乎風，河間主乎火，東垣主乎氣，丹溪主乎濕，而看三子昔人各得其一之說。若論三子不知中風，斯言過矣。夫河間之論，實具於火類之下，而不以風言。且別著中風論治其詳。東垣謂自內傷氣病而本能生風之症，則風勝生痰也。治之尤妙。丹溪謂因於溫成於熱，必曰熱極而生風，痰者亦有理也。三子何嘗歸於火氣濕而言無中風之症也。愚謂體之厚者，卽感而傷，體之虛者，偶得而中，所受有淺深，所中有輕重，所稟有虛實之異耳。局方本以外中而以內傷熱症混同施治，具載方書，害人非輕。若外感者病在表，爲有餘，內傷者病在裏，爲不足，治宜發散補養之劑，自有迥然不同。何其

難辨也耶。大卒主血虛有痰。或挾火與濕言之。甚有理也。若以死血瘀血留滯而不行者。豈理也哉。如外
中風邪。見五藏之症者。十有九死。愚嘗見之。可謂真中風也。所以中倒之時。不可善臥。必使坐起。用法調
治。初宜急搯人中。俟醒。次用撚鼻取嚏。（原本作「嚏」）或以鵝羽絞痰。三者之間。得寤。（原本作「嚏」）
得此即可治也。否則難爲調理。若中倒之時。言談得出一二句。方可用藥。宜二陳爲主。加竹瀝姜汁。氣虛
者配四君子。血虛者配四物。氣實者加枳。朴。山查。血實者加桃仁。紅花。有火者加芩。連。山枝。脾虛者加白
朮。茯苓。胃實者加枳實。大黃。痰壅盛者。口眼喎斜不能言語。皆用吐法。或瓜蒂散。稀涎散吐之。若服後不
吐。此爲氣不能轉者。爲不可治。設或氣虛卒倒者。以參芪補之。挾痰者二陳湯。加參。朮。竹瀝與。（原本作
「與」）之。血虛挾痰者。亦用姜製當歸。更加二陳。竹瀝與。（原本作「與」）之。半身不遂。此卒多痰。亦宜
前法。二陳調治。肥白人多濕。少加蒼朮。瘦人多火。更加芩連。其或遺尿屬氣虛。以參芪補之。小便不通。不
可用利藥。如熱退自利。設若口不能言者。心絕也。唇吻手撒者。脾絕也。眼合直視者。肝絕也。遺尿而黑者。
腎絕也。唇腫自汗者。肺絕也。若見一症。事或可治。如二三症見。終必難治也。慎之慎之。許學士云。氣中者
亦類乎中風。因而七情所傷。暴怒傷陰。暴喜傷陽。故鬱怒不舒。氣多厥逆。初得便覺牙關緊急。四肢逆冷。
手足戰掉而仆去者。此中氣也。不可同中風論治。殺人多矣。蓋中風身溫且多痰涎。中氣身冷亦無痰涎。
宜以蘇合香丸灌之。俟醒。然後以枳桔二陳湯最妙。脈經曰。中風脈浮滑。兼痰氣者。其或沉滑。勿以風治。

或浮或沉而微而虛扶危降痰風未可疎○愚按中風之症此風之中於人也必從外入由其腠理空虛臟腑不實故直中於內而無阻滯者也所以中於心則失音不言中於肝則眼合難開中於肺則自汗不收而取嚏不來中於脾則牙關緊急而探吐不得中於腎則遺尿昏倦而醒不知人此爲五臟直中之症救之必難若有一二症見固可收救設或三四經中則邪勝於正死期必矣治不可乎若中經中腑之症口眼歪斜左癱右瘓語言不遂痰涎壅盛自汗惡風便溺阻隔此爲可治之症但依經旨而治之又有肝木之邪勝脾土之氣衰木能生風而導泄脾氣則偶爲所中有似中風之症者亦可類中風而治之以二陳加減用之可也至若痰壅上者則先吐而後中痰壅下者則先便而後中二者皆正氣空虛亦能至死但少裝醒者可治如昏不知人者難治又有東南之人皆是濕土生痰痰生熱熱生風如是中者但中之少緩雖有痰涎壅塞而無言語蹇滯雖有便溺阻隔而無眼合遺尿用芩連二陳湯從其輕重加減調治可也又有心事拂鬱偶爲大怒所充不能發越一時而中者宜以二陳湯清氣豁痰可也或有內氣不充飲食不調風寒拂鬱而中者宜二陳湯散表清寒可也又有醉飽太甚飲食不能運化而中者宜以二陳湯消導寬中可也或有勞力太過精神竭盡而中者其症頭運自汗汗收而醒宜以補中益氣湯用治可也亦有房勞太虛精神斷喪而中者其症冷汗自來精神昏憤宜以十全大補湯調治可也然此論之皆類中風之症亦未嘗有似中風之形也自當分而辨論大抵真中風之症少類中風之症多

真中風者難治。類中風者易治。中臟者難治。在腑者易治。此治之之大端也。醫當明之。

治法主意。真中風見者。決不可治。類中風者。雖以二陳湯爲主。不若治風先治血。血實風自滅。

傷風

河間曰。傷風之症。或頭疼項強。肢節煩痛。或眼脹熱。嚏嘔鼻塞。或頭眩聲重。咳嗽有痰。或自汗惡風。心煩潮熱。其脈陽弦而滑。陰濡而弱。此邪在表。冬月宜桂枝湯。若汗出而加項強者。桂枝葛根湯。或傷風無汗者。當作傷寒治之。可用紫蘇。麻黃。不可用桂枝。芍藥。恐有變症。或已服桂枝。及煩而不解。無表症者。刺風池。風府。宜以雙解散。免致有桂枝。麻黃之誤。大抵傷寒惡寒。傷風惡風。理必然也。蓋風善傷衛。然衛者陽氣也。陽與陽合。則客之而入於腠理。及疎而不能衛護。必自汗而思風也。然用桂枝以實其表。使身汗自斂。風邪自出。此仲景之大法也。否則無汗而過用之。非惟痰火所生。亦且吐衄煩燥。咽痛之症變矣。戒之戒之。若或飲食過傷。又兼傷風者。必用內傷外感治之。宜以二陳湯加蘇葛。白朮。山查。或感冒而肢體重痛。痰涎不利者。宜以二陳加蒼朴。干葛。或起居不時。房勞之後。以至感傷者。亦宜二陳加歸朮。參蘇。或傷風兼傷寒者。宜以十神湯大解其表。在夏月羌活沖和湯亦可。或傷風兼裏症者。宜以防風通聖散。或小兒傷風咳嗽有痰。用二陳湯加枳桔前胡。表實者加紫蘇。表虛者加白朮。許學士云。傷風惡風。非防風

不能治其風。自汗有汗。非甘草不能治其汗。頭痛者必用川芎。項強體痛者必加羌活。身痛體重者可用蒼朴。肢節腰痛者可加獨活。目痛鼻乾不眠者必用黃芩。有熱者須加前胡干葛。此千載不易之良法也。錄之。又按有汗惡風者爲傷風。吾見傷風無汗。而惡風者亦有之矣。但頭痛身熱。而與傷寒相同。鼻塞聲重。白與傷寒爲異。耳傷風乃背惡其風。見風則噴嚏不已。傷寒惡寒。乃一身俱惡。雖近溫煖不除。傷風避風。而居溫煖之室。則熱得發越。而自汗多來。風可解矣。故曰風從汗泄。邪從汗解。所以傷風之症。用參蘇飲。葛根湯。輕揚以散表。二陳湯清痰以止咳。或加桑杏以疎泄其肺氣。用前芩以清解其邪熱。此治之大法也。非傷寒大（原本作「太」）解其表。而用十神麻黃之類。許學士治傷風發散。治用乾葛。乾葛甘寒。可以解肌表也。否則大解而用麻黃。則自汗不收。以致陽虛而涉手。切宜記之。

治法主意。有汗當實其表。無汗當發其表。凡發不可大發也。又當以疎泄之。

中寒

中寒者。寒邪直中三陰之經也。蓋中寒比傷寒尤甚。故云不急治者卽死。蘊要謂。寒中太陰。則中脘疼痛。宜理中湯。寒中少陰。則臍腹痛。亦理中湯加萸萸。如厥陰則小腹痛。宜當歸四逆湯加萸萸。如寒甚厥逆脈沉者。亦宜前方去當歸。如極冷唇青厥逆無脈囊縮者。加附子。仍用炒鹽熨臍中。并灸氣海。關元二三

十壯最佳。取脈漸漸應手，如手足溫者，乃可治也。設或倉卒無藥，以麻皮擦油刮背項，或以十指甲下刺紫血出者亦可。或以生姜濃煎湯服亦妙。大抵一時爲寒所中，昏不知人，口噤失言，四肢僵直，聲急腹痛，或吐瀉併作者矣。此中天地殺勵之氣也。宜以溫中散寒，如二陳湯加姜、萸、厚朴、香附之類。又有漸漸（原本作「漸漸」）惡寒，翁翁發熱，汗出而氣惡心嘔吐者，此雖外感之症，亦宜溫中散寒可也。又有汗出，腑脈之虛者，房勞元氣之弱者，勞力精神之憊者，又因寒之所中於中也。其脈多遲而緊，或短而數，與上文之症不同。此則內傷外感不足之症也。亦宜二陳湯加參、朮，當歸、炒黑乾姜之屬，俱以內托其寒，不可專用表藥，以致遇湯吐湯，遇藥吐藥，汗吐齊來，內外俱虛，脈脫身冷而死。○惡接中寒之症，非傷寒外感之症也。蓋中天地陰寒之氣，或口食寒冷之物，或夜臥陰寒之處，或涉水弄冰（原本作「水」）或好食魚蟹，或強涉風霜，或曉行烟露，或勞處山嵐，或飢冒風雪，以致腹中作疼，作脹，或吐，或瀉，或四肢厥逆，或脈勢沉細，或空脫無力，是其候也。皆因胃氣空虛，脾氣感受，然脾居中焦，主腐熟水谷，喜溫而惡寒，喜燥而惡濕。今以陰寒之氣，涼冷之物，填塞中焦，使脾遇寒而不健，使胃遇冷而不行，壅於上則吐，壅於下則利，吐利不行，則腹中絞痛，莫知可忍。此爲寒凝脾胃，聚而不出之症也。若揮霍變亂，危甚風燭。或者以外感治之，遇湯吐湯，遇藥吐藥，甚則十日半月吐之不已。其人陰極而躁，初則口乾欲水，飲入卽返，身熱惡衣，去之又冷，久則欲於泥水中臥，躁煩不已，循衣摸床，呃噎不定而死。大抵中寒之症，治不可少緩，亦不

可以外感治之。尤不可以內傷並論。但因其內寒不清。脾胃受虧。非若外感傳經之症也。非若內傷正氣之不足也。此經之寒。止在一經。能溫脾胃病自除也。故千金方立理中湯。而治內寒之陰症。效驗如神。若謂脾胃之陰寒。參附不可善用也。不若蒼朮二陳湯。加白朮。香附炒黑乾姜。痛甚加茱萸。此藥水一鍾煎半鍾。徐徐熱服。則吐利皆止。痛亦除也。治妙如神。家常秘之。今傳後世。切勿失也。

傷寒

原病式曰。春氣溫和。夏氣暑熱。秋氣清涼。冬氣凝寒。此四時之正氣也。冬氣嚴寒。萬物潛藏。君子固密。不傷於寒。夫觸冒之者。乃爲傷寒耳。又有傷於四時不正之氣。皆能致病。亦以爲傷寒也。又有寒毒藏於肌膚。至春變而爲溫病。夏變而爲熱病。此熱極重於溫也。是以辛苦之人。春夏必有。皆因冬時犯冒之所致。非時行之氣也。其時行者。春時應暖而反寒。夏時應熱而反涼。秋時應涼而反熱。冬時應寒而反溫。非其時而有其氣。是以一歲之中。病無少長。多相似者。此則時行之氣也。夫所謂傷寒者。自冬月寒蓄在內。隱而不發。交春之時。陽爲外出。遇風入於腠理。與正氣交爭。引出所蓄之邪。以致一二日病在太陽。則頭疼惡寒。腰背強重。此爲邪氣在表。宜發表出汗。卽愈。三四日病在少陽。寒熱往來。胸脇脹滿。口燥咽乾。此爲半表半裏。邪在膽經。膽無出入之道路。宜和解則愈。五六日病在陽明。氣結在臍。故腹脹舌胎。譫語脈